


CLAVDII *ing*

 CAMPEN

SIS MEDICI, IN LI-

brum Aristotelis de Memoria &

Recordatione commen-

tarij: quibus opinio

Aristotelis refu-

tatur.

Ad Bernardum Podium Lucensem.



PARISIIS.



Apud Sebastianum Niuellium sub Ciconiis
in vico Iacobæo.

1556.

M. Labatus medicus B. Podio Lucensi.

Cui melius poterat tantos sacrare labores

Campensis medica strenuus artis eques,

Quàm tibi: qui legum sophiaëque resolvere nodos,

Quàm tibi: qui Phæbi crederis esse comes?

Nam præt̃r nunquam periturum fœdus amoris,

Quod stabili iunxit pectora vestra fide:

Ambo Phæbigena: morbis quoniam ille medetur.

Carmina tu Phæbo condere digna potes.

CLAVDIVSCAMPENSIS
Medicus Bernardo Podio Lucensi,
S. P. D.



olui hos breues commentarios, atque
valde difficiles adhuc divulgare, mi
Podi, quin tuo iudicio, tuaq; magna e-
ruditione prius uterem. etenim res est
multum ardua, quā philosophus sum-
mo ingenio Aristoteles nō explicauit.


Siquidem memoriam hominum eandem esse cum beluis
arbitratur: celeritatem, acrimoniamque ingenij homini-
bus potissimum tribuit, qui sunt praediti cerebro humido,
& somno lecto. Quibus in rebus Aristoteles, cum turpiter
lapsus sit & nemini aliter arbitrari haftenus licuerit: aut
illi contradicere quisquam voluerit: ego in re tam mani-
festa, necessariis rationibus efficere volui, vnum duntaxat
sensum interiorem singulis animantibus donatum esse. quod
nouū imperitis Medicina philosophis videbitur. Sed si ve-
ritatem rei de qua agitur, intropexerint, subinde animo
& ratione intelligent, meam huius rei sententiam omni-
nō veram esse. Denique Aristotelis opinionē de somno ap-
probare non potui, ne quis ex eo putaret multiplicem sen-
sum interiorem cōvinci posse. Neque enim quidquam veri-
tatis continent somni capiendi causse, quas Aristoteles

A ij



commemorat, quod cum intelligerem, mi Podi, tuoque la-
bore usus essem, hos in Aristotelem commentarios, quos
haecenus conticueram, sub tuo nomine apparere vo-
lui. ut deinceps tuo auxilio, tuaque autoritate
munitus, liberius & communicare, &
cū viris doctis hac de re agere
mihi liceat.

Vale.





Incendum est nobis hoc loco quid memoria sit, quidque meminisse, quid recordari, & qua ex causa oriatur, quaque in parte animi insint hi motus & affectiones. neque enim iidem memoria & recordatione pollent, sed ferè tardi præstantiore memoria sunt, recordatione autem plus valent celeritate ingenij præditi, & dociles homines.

CAMPENSIS.

1 Cum existimaret aristoteles in libris de animo, nihil mente, neque ratione quidquam cerni quod sensuum aciem refugiat, vbique anteponit sensuū exteriorum disputationes iis, quæ sensus interiores persequuntur: proinde libro secundo de animo persecutus est genera sensuum exteriorū. At libro tertio, subiecit sensus interiores: simili ratione nunc substituit libro superiori, hunc de memoria & recordatione, sunt enim memoria & recordatio quædam sensuum interiorum affectiones, quas nunquā Aristoteles (vt est quorundā opinio) in sensuum interiorum generibus numerauit.

2 Adiecit memoriam & meminisse, nam cū sint coniugata, alterum alteri vberiore cognitionem præbet.

3 Deinceps Aristoteli non assentiemur, quòd recordationem à memoria separet, cum enim memoriam mortalem hominibus cōcedat, vt beluis: seipsum ab omni ratione qua facilè vrgeri, & conuinci

A iij



CL. CAMPEN. COM. AD ME

potuisset, tueri vult, solis hominibus attribuens memoriam coniunctam cum recordatione: quasi hominum memoria non sit multum differens à beluis: siquidem ob id ipsum saltem disiungitur, quod hominum memoria, sit rationis particeps, neque intereat vnquam. At bestię & ab omni ratione vacant, & earum memoria simul cum vita extinguitur.

4 Neque enim plenius possumus quidquam intelligere, quàm ex perspectis rerum causis.

5 Autor est Aristoteles libro quinto Metaphysicorum, accidētium naturam neque vberius neque perfectius illustrari posse, quàm ex cognitis eorum subiectis rebus. Itaque cū memoria & recordatio sint affectiones, aut habitus alicuius partis animi: deinceps exponenda erit ea animi pars in qua insunt.

6 Distinguit memoriā à recordatione, nam qui valent recordatione, sunt minùs præstanti memoria. Ego verò nunquam intelligere potui, quicquam interessē inter memoriā & recordationem. Hunc autē locū deinceps copiosius declarabimus. nam quemadmodum quidam inuentione, alij iudicio præstant: sic memoriæ diuersa vis, & ratio, in diuersos homines cadit. Etenim dociles vt cæteris paratiōres sunt ad ratiocinandum, ita recordatione pollent: ac si vellent Aristoteles recordationem esse memoriam quæ ratiocinetur, vel memoriam rei ex ratiocinatione repetitā. Qua in re duplex ani-

mi munus longè diuersum spectare licet, ratiocinatio, & memoria, quæ cur coniunxerit Aristoteles vt vnum idèmq; opusefficeret, non video. Sed re qui accuratiùs intuetur, facilè perspicit recordationem non differre à memoria, nã memoriæ rei, quæ non sit penitus ex animis nostris deleta, repetitio cum ratiocinatione adhibita, quæ quidem est Aristotelica recordatio, aliud est nihil, præterquàm memoria, quæ cum aliqua ex parte ex mentibus nostris effluerit, erit memoria quidem eius quod tenemus, neque deletum est, & obliuio eius quod abest, neque cōseruare potuimus. At ratiocinatio qua vtimur vt memoriam repetamus, est officium mentis longè diuersum à memoria: idcirco cur memoria & ratiocinatio coeant atque iungantur, vt forment recordationem, non est cur Aristoteles arbitretur.

7 Non possum non mirari complures nostræ ætatis philosophos, qui probant homines tardos memoria præstare: similitudine desumpta à rebus duris & ferreis. Nam quemadmodum quod durum est, vix recipit, acceptamque rem diutiùs cōseruat: similiter arbitrantur tardos homines esse duro admodum cerebro, decepti ignoratione anatomes & quòd falsò existiment, memoriam rerum simulacris instrui, vt cera variis notis consignata: aut lapides diuersis tincti coloribus. Hæc autem commentitia opinio procul abest ab omni veritate, si-

CL. CAMPEN. COM. AD ME

quidem vt manus est instrumentum instrumento-
rum omnium, potest enim perdiscere omnium in-
strumentorum vsum: similiter memoria est forma
omnium formarum, quoniam existimandum non
est memoriam vno dūtaxat formarum genere or-
nari: quemadmodum res colore prædita vno tan-
tummodo colore tingitur propterea inuestigandū
est quæ causa sit memoriæ singularis. Nascitur au-
tem præstantissima memoria ex acri rerum inspe-
ctione, deinde ex earum cognitione perfecta, po-
stremò ex longo rerum vfu & cōsuetudine, in qui-
bus mēs nostra versari solet. Cū ergo tardi homi-
nes diutiùs & maiore labore perdiscant, dociles ve-
rò celerius, & minore opera rerum perceptione im-
formentur: tardi præstant memoria hominibus ce-
leritate ingenij præditis.

*Ac primū quidem dicendum est, quæ memoria sub-
iecta sint, quādoquidem hoc sape in errorem impellit. Ne-
que enim res futura memoria comprehendī possunt, sed o-
pinione expectationēque constant: quamquam potest esse
scientia aliqua in rebus quæ sperantur & expectantur,
quemadmodum nonnulli diuinationem esse contendunt.*

I Antequam memoriam definitione explicet, de-
clarat ea quæ memoriæ subiiciūtur, nam ex eorum
ignoratione, sepe in errorem compellimur memo-
riam definiētes: siquidem memoria sub sensum ex-

teriorum non cadit, sed sensu tantummodo percipimus ea, quæ memoria compræhenduntur: proinde eorum perceptio definientibus memoriam, plurimum conducit.

2 Ex perfecta partium enumeratione confirmat memoriam versari solum in rebus præteritis, si qui dem neque præsentium est, neque futurorum memoria.

3 Opinio, hic non declarat id quod videtur omnibus, aut plerisque, & quemadmodum libro primo Topicorum est persecutus, sed opinio nunc sumenda est, quia significat quoddam animi desiderium, quo futurorum studio tenemur, ut eandem vim habeant hoc loco opinio, spes, & expectatio.

4 Explicat rationem qua potuisset conuinci, diuinationo, est scientia rerum futurarum, quam tamen memoriæ mandamus, quare futura sub memoriâ cadunt. Responde, futuras res memoria teneri, & constare scientia, si earum causas spectemus, quarum tamen effecta non subiiciuntur memoriæ. Si quis iterum obiecerit causas & effecta se inter se consequi, proinde ut causas sic effecta causarum memoria compræhendimus: responde, causas potestate rerum futurarum, memoriæ subiici, non autem causas quæ actione, & reuera æstimantur.

Nec verò præsentis est memoria, sed sensus: quippe cum hoc ipso nec futura, nec præterita cognoscamus, sed modo præ-

sentia. Memoria autem præteritorum est. Quod verò præsens est, cum instat, & adest, ut exempli causa, hoc quod album est cum cernit, nemo memoria tenere se solet dicere: neque is qui contemplatur, atque intelligit, id quod intelligentia & mente cognoscitur, sed illud sensu percipere se dicit: hoc tantum scientia comprehendere.

1 Iam breui refutat eos Aristoteles, qui sensuum munere memoriam complexi sunt, nam uterque sensus cum interior, tū exterior versatur in re quæ adest: at præterita memoriæ subiiciuntur.

2 Probat sensum interiorem à memoria differre: nam sensu interiore contemplamur, atque intelligimus: at memoriæ officium nō cernitur in cognoscendo, sed in conseruando quod animo perceptum est: videtur Aristoteles his literis vnum tantū modo sensum interiorē à memoria distinxisse. Etenim vnus solū est tribuens singulis animantibus?

Cum verò remota omni actione, scientiam & sensum rei alicuius habet, tum demum memoria tenet trianguli angulos duobus rectis pares esse, illud quidē propterea quòd didicit, vel contemplatus est, hoc verò, quod ita audiuit, aut vidit, aut aliquid eiusdem generis. Semper enim cum memoriam ad opus conuertit, tum denique in ipso animo reputat, se hoc antea audiuisse, aut sensu percepisse, aut mente cognōsse.

1 Nunc declarat quomodo præterita memoriæ subiciantur, quando, inquit, venit in mentem nos antea quidquam sensu percepisse, aut mente cognovisse: tum demum meminisse dicimur. idcirco memoria comprehendimus res præteritas, videlicet, quas aliquando didicimus.

2 Triangulum est figura tribus constans angulis. Probat autem Euclides primo libro elementorum triagulorum tres angulos, esse pares duobus rectis angulis.

3 Præterita quæ memoriæ subiecta sunt, duplici genere distinguuntur, siquidem alia, mente & ratione constant, alia verò sensus mouent.

Non est igitur memoria sensus, nec opinio, sed alicuius eorum habitus, vel affectio, cum tempus accesserit. Præsentium autem in instanti tempore non est quemadmodum etiam ante dictum est, memoria, sed eorū quæ adsunt sensus est, futurorum spes & expectatio, præteritorum memoria. Itaque memoria omnis cum tempore coniuncta est.

1 Antequam cumulatam omnibus suis partibus memoriæ definitionē subiiciat, exponit genus definitionis: memoria, inquit, non est sensus, nam sub sensum solum modò præsentia cadunt: neque opinio, quia opinio in rebus futuris cernitur: sed est habitus, vel affectio opinionis aut sensuum interiorum, cum tempus accesserit mediū inter opera mē-

tis quibus contemplamur, & officiū memoriæ quo præterita ad se reuocat.

2 Primum genus qualitatis Aristoteles posuit affectiones & habitus, quæ cum accidentia sint, Aristoteles memoriam sensuum interiorum numero non est complexus: quippe arbitretur memoriam esse in sensu, ut eius accidens, quem locū si diligentius perscrutemur, facile erit intelligere, memoriam esse proprietatem quandam sensus interioris, qua sensus instructus conseruat & retinet quæ intelligit: nam ut omnis armaturæ vsus propriè manibus conuenit: & omnium virtutum cumulus est proprium animi ornamentum: similiter memoria est proprietas sensus interioris, qua recordari, & meminisse potest.

De numero sensuum interiorum.

SCRIPTUM reliquit Aristoteles in posterioribus Analyticis, & libro quinto Metaphysicorum, omnem proprietatem ex subiectis rebus perspicendam esse: at memoria est inanimata quædam mentibus nostris proprietas: propterea existimaui non alienum fore, si breuiter explicarem omnia sensuum interiorum genera: neque enim eis assentiendum puto, qui multiplicem sensum interiorem inducunt. quippe vnus duntaxat singulis animantibus tribuatur: be-luis quidem visio, hominibus verò sola intelligentia est donata.

Scripsit Aristoteles libro tertio de Animo, homines vti duplici sensu interiore. Primū ait, cadere in homines & beluas, quem omnibus visionem alij imaginationem, quidam phantasiā, nonnulli sensum communem appellauerunt (his enim Aristoteles promiscuē vti solet). Secundus sensus interior solis accomodatur hominibus, quē vocant mentem siue intelligentiam. Responde, Aristotelē impiē & perperam disseruisse de sensuum interiorum natura: vt qui posuerit animum mortalem si nullum opus præstare possit absque vsu corporis, & vbique autor est Aristoteles, ea solū mente & ratione cerni, quæ sensum mouent, proinde mens siue intelligentia sine corpore nullas obire poterit functiones, pari ratione animi ceteræ partes sine corporis vsu, nullum munus præstabunt: quare animum obnoxium morti statuit Aristoteles: qua propter Aristotelis autoritas à nobis non recipi etur.

SECVNDA.



Alenus libello de Symptomatum differentiis, separat symptomata sensus communis, siue visionis ab intelligentia, etenim scribit sublato munere visionis, gigni soporem, & eodem violato oriri deli-

rium: cūm mentis, aut partis eius animi in qua vis ratiocinādi inest, symptomata à commemoratis permultūm discrepent, quādoquidem si tollatur funditus mentis actio, nascetur amētia: si imminuatur, fatuitas: sin autem violetur dimoueatūrque è suo statu, fiet delirium. Itaque conuincimur duos sensus interiores hominibus tribuere: nam diuersorū cum/lymptōmatum, tum morborū genere distinguuntur. Responde, Galenum scriptum reliquissē libro nono de dogmatis Platonis & Hippocratis se animi naturam nō intelligere. Ait enim, cūm Plato tātum de Diis & animo probabiliter disputauerit, quo modo, & quid de animo in medium adferam, nihil habeo. Quare si animi naturā conticeat, quid de sensibus interioribus proferre poterit? verū ne grauissimum autorē alicuius erroris in simulemus, existimandum est Galenū in libro de Symptomatum differentiis, se accommodāssē ad vulgare philosophorum opinionem, qui duplici sensu interiore homines vti arbitrantur. Deinde, exposita symptomata mentis & visionis, in solam mentem conueniunt, quæ in multiplices morbos potest coniici vt maiore aut minore læsione violatur. Postremò solus sopor, & vigilia, quæ visionis sunt, ab intelligentiæ symptomatis discrepant, nam delirium vt mentis, sic visionis est. Idcirco accuratiùs peruidendum est, quæ animi pars in sopore, & vigilia læsa sit. Mihi vidētur in ea animi parte inesse in qua som

nus sedem habet, quem falso Aristoteles in visione collocavit: siquidem idem putat somnum fieri ex halitu multo, qui in cerebro coactus, aqua gignit, quæ quidem refluit ad meatus eos qui per vniuersum corpus spiritus animales diffundunt, quibus completis vis mouendi & sentiendi ad cerebrum, tamquam ad suum fontem reuocatur, atque animalia dormiunt. Ex hac Aristotelis definitione non licet efficere somnum in visione existere, neque enim visionem expressit Aristoteles, sed vires sentiendi & mouendi quæ quidem à visione longè latèque distant. Præterea si constituamus aquam, quæ ex halitu coacto orta sit, implere vias, quæ spiritibus patent, ut in vniuersum corpus diffluere possint, esse veram somni causam: parum intererit inter somnum & apoplexiam: neque multum distabit somnus à morbis iis, qui homines motu & sensu priuatos interficiunt. Nam constat inter omnes medicos, huius generis morbos omnes oriri ex substantia cerebri imbuta & plena humoribus, præsertim aquosis, qui sunt impedimento ne spiritus animales in totum corpus ferantur. Habitus qui in humorem aquosum se vertit, quo impleantur spirituum itinera, somnum autore Aristotele adfert: eadem penitus origo somni, & commemorata apoplexiæ statuenda erit: atqui leuissima quæque apoplexiæ, vix aut nunquam curari potest: proinde somnus quoque omnis erit perquam difficilis ad excitandum.

CL. CAMPEN. COM. AD ME

Postremò autor est Galenus, meatus eos qui spiri-
 bus patèt, vt in totum corpus commigrare possint
 esse in neruis, & neruosis partibus: nerui autem den-
 sa terreâque admodum substantia constât. quapro-
 pter summa cum difficultate excutiunt quod com-
 biberunt, eisque adhæret, hoc etiam licet intueri in
 distensionibus, & nervorum resolutionibus: quæ
 si quodam modo inueterârint, nunquam eiiciun-
 tur. quare in somno, si affectum sit neruosum ge-
 nus, quo modo celeriter, atque dormientes excitan-
 tur. post somnum expelli poterit humor aqueus,
 qui neruos implet, vt somnum inferat? Ex iis ergo
 licet efficere, somnum neque halitus, neque humo-
 res aquosos procreare: sed esse opus naturæ quo de-
 bilitati spiritus recreantur, vt satis esse possint omni-
 bus animi partibus: etenim vt concoctio, sic som-
 nus nobis à natura tribuitur. Itaque statim à pastu
 somnum capimus, quoniam calor naturalis primus
 autor functionum sentiendi & mouendi suapte vi
 refugit ad conficiendum cibum sumptum, deserit-
 que extremas corporis partes: qui quidem secum
 deducens animales spiritus in quibus sedem habêt
 facultate mouendi & sentiendi, se quoque ad suum
 fontem referunt, vt debilitati suo se pastu alere, &
 reficere possint, propterea qui multam operam po-
 suerunt in contrectandis suis rebus, & longiore
 somno vtuntur & magis sedato animo dormiunt:
 potissimum si totum suum negocium cōfecerint.

neque

MORIAM ET RECOR. ARIS. 9

neque enim mens suis spiritibus quicquam præterea imperare potest. Proinde somnus est cessatio facultatum mouendi & sentiendi ob reuocatos spiritus animales ad suum fontem & cerebrum, qui ob id ipsum se eò referunt, quòd præterea satis caloris naturalis frui non possint, quo se tueantur & muniant tanquam præcipuo ministro, quo utuntur: vel existimandum est somnum sequi naturalem animi vim, quæ spiritus animales reficiat, atque debilitatos confirmet. Si quis autem obiiciat refrigeratò & humefactò cerebro semper dormiendi studium vrgerè, propterea somnus nullam animi naturalem facultatem sequitur. Responde, huiusmodi somnũ non esse, sed soporẽ potiùs, quem frigidum & humidum pariunt: quia spiritus debilitant, aut veluti magnis frigoribus congelati in corpus non commigrant, aut grauissimo sint onerati humorũ pondere. Ex iis licet intelligere, soporẽ & vigilias esse symptomata facultatis eius naturalis, quæ quotidie spiritus imbecilles confirmet.

TERTIA.

MEmoria sedem habet in cerebello, & in posterioriore parte capitis, at sensus interiores in cerebro manent. Responde, hoc fuisse somniũ eorum qui Parisiis philosophiam profitentur, nam cùm Lutetiæ Parisiorum darem operã cuidã Theo

CL. CAMPEN. COM. ADV. ME

logo Sorbonæ Carolo Eruciano, is multas, de sensuum interiorum sede fabulas nobis narrabat. Ut memoriam reponi in cerebello: etenim omnium sensuum interiorum postrema suo munere fungitur. præterea bonus ille vir existimabat, posteriorem capitis partem quæ prominet, præstantissimam significare memoriam: verum huius præceptoris mei pace dixerim, inexplicabili errore labitur: siquidem cerebellum ab omni concauitate vacuum est, cum putet ultimum cerebri ventriculum in cerebello existere: præterea caput posteriori parte prominens, apertorem, & magis naturalem cerebri constructionem declarat, in quo pariter sensus omnes magis vigent: ita solent imperiti præceptores suis auditoribus imponere.

QUARTA.

Sensus communis est positus in anteriore cerebri ventriculo, at mens siue intelligentia cerebri mediū ventriculū occupat, idcirco cum sede & loco discrepent, eorum quoque ratio erit longè dispar, & differens. Responde, concauitates & ventriculos qui in cerebro inveniuntur, nobis tantummodo tributos esse ad expurgandam cumulatam in cerebro pituitam, ea de causa in tractandis anatomiis semper inveniuntur huiusmodi cerebri concauitates refertæ mucosi cuiusdam humoris, neque in eis

existimandum est spiritus animales oriri, etenim cū sint tam amplæ capacitatis, spiritus verò existant tenuissimi, & omninò ætherei, neque conseruari potuissent in huiusmodi concauitatibus repositi, neque in eis elaborari, nam spirituum tota vis subinde dissoluta euanesceret: sed animales spiritus nunquā arterias relinquūt quibus continentur: siquidē ex vitalibus multū diūq; elaboratis in arteriis nascuntur animales: qui procreati, implent arterias tenues, quibus constat pia mater, & quemadmodum vtraque meninx singulos nervos integit qui in corpus commigrant, ita nerui sunt fulcra quibus nituntur arteriæ illæ tenues plene spirituum animalium, propterea cerebrum est, fere indolens, at vtriusque meningis dolor est acerbissimus. Nam vis sensu prædita spiritus animantes, sequitur. Hæc verò opinio etsi à Galeno dissentiat, tamen velim lectorem diligenter animo percurrere, rem omnem, antequam quidquā improbet. Verū vt eò vnde digressa est, nostra reuertatur oratio, velim scias inueteratam illā philosophorum opinionē qui arbitrantur cerebri vetriculos omnes, sensuū interiorū aliquē suo amplexu cōtinere, turpissimè labi, nā primus sensus interior occuparet fornicē quæ est in vertice prima cerebri cōcauitas, alter dextrū, alius sinistrū vetriculū impleret, tertius mediū, postremº vltimū cerebri vetriculū cōferciret, ita aceruabimº tantā sensuū interiorū copiā, vt neq; certo ordine neq; vlla ratione

CL. CAMPEN. COM. ADV. ME
comprobari possint. Itaque ut rem omnem in pau-
ca conferam, necesse est existimare animum diuer-
sas functiones obire, ob dissimiles corporis partes
quas tenet. Etenim manibus apprehendit, auribus
& oculis ut fenestris, utitur: propterea in corpora
tanquam in carcerem coniectus neque sonos exau-
dire, neque colores intueri potest nisi oculos & au-
res veluti fenestras, aperiat. Pariter mens quæ non
cum pituitoso humore cerebri ventriculos occu-
pat, sed ipsam cerebri substantiam, in eo cum est,
ratiocinatur, meminit, atque tenetur contemplan-
di studio. Propterea mens siue intelligentia ea est
animi pars qua cerebrum est præditum.

CONCLUSIO.

QUum mens siue intelligentia vna satis ma-
gnam vim habeat, ut præstet omnes fun-
ctiones, quibus intrinsecus egemus, non
est cur percontemur sensus eos, quorum iudicium
nemo vnquam in se perspexit: sed si donemus solâ
visionem beluis, solâque intelligentiam homini-
bus, res tota omnibus suis partibus, & numeris cõ-
stabit, neque vlla inter philosophos deinceps inci-
det de hac re dissensio: vna enim mens contempla-
tur, inuenit, iudicat, meminit, diuersisq; præstet
functionibus.

Hinc ea sola animantia qua sensum habent temporis, memoria prae data sunt, atque ea ex parte, qua eius sensum habent.

1 Ex hoc loco licet scire, memoriā esse habitum, affectionem, aut proprietatem quādam mentis aut visionis, nam mens & visio sunt partes illae animi quae sensum habent temporis, in beluis quidem visio, at in hominibus mens tempus sentit. Itaque memoria hominum inest in mente, beluarum autem memoria est visionis.

Quod autē antea in libris de Animo dictum est, de ea animi parte in qua visa imprimuntur, nec fieri posse, ut sine visis aliquid animo & ratione percipiatur, id verū est.

1 Nūc asserit vera esse, quae libro tertio de Animo de sensibus interioribus declarauit, ex quo facile est perspicere, hunc libellum subiiciendum esse libris tribus de Animo.

2 Hoc euidenti errore Aristotelem impediri nemo ambigit, scribit enim libro primo de Animo, animum mortalem esse si nullū munus praestare possit absque usu corporis, nunc verò ait, verum esse sine visis nihil ratione neque animo percipi, sed visum in sensu communi inest, nam ex sensibus exterioribus id quod sensus communis siue visio haurit, atque intuetur, visum vocamus: at visio suum officium exequi non potest absque usu corporis, adhibet enim sensus exteriores, qui cum corporibus cernunt, sic neque mens sine corporibus

quidquam intuebitur, idcirco morti animum obnoxium reddidit Aristoteles, quod quàm impium sit, videant Aristotelei. Ego verò cenſeo mentem multa poſſe percurrere ſine ſenſibus exterioribus, etſi aliter ſcripſerit Ariſtoteles.

Quandoquidem idem uſuuenit cum aliquid intelligentia cernitur, quod in deſcriptionibus. Ut enim illic, cum illud non adhibeamus, magnitudinem trianguli certam eſſe, tamen id quod certa magnitudinis eſt, deſcribimus: ſic is qui rem animo cernit, etſi magnitudinem non intelligit, tamen ſibi ob oculos ponit magnitudinem ſed rem intelligit, non quia magna ſit. quod ſi qua ſit natura magnitudine prædita eâque incerta, proponit quidem ſibi finitam ac certam quantitatem, verum qua ex parte quantâ eſt, ſolum intelligit.

I Similitudine deſumpta à Mathematicis deſcriptionibus, oſtendit ex viſis omnia mente intelligi, quod tamen ab omni veritate alienum eſſe ſuperius docuimus: quemadmodum enim qui Mathematicis artibus explicandis præſunt, declarant genera ex indiuiduo propoſito auditori, veluti pedalis tri-

anguli descriptione proposita exponunt omnia tri-
 angulorum genera, vt bipedales, & eos qui sunt ma-
 gnitudine pedum quatuor præditi: sic mens nihil
 cernere potest in rebus, quæ vniuersæ sunt, nisi
 propositum habeat indiuiduum primùm sensibus
 exterioribus, postea visioni, ex qua mens haurit
 elicítque visum indiuiduum, ex cuius perceptio-
 ne, quæ sunt in vniuerso rerum genere contem-
 platur. Ô impium Aristotelis errorem! qui men-
 tem ita colligari coniungique cum corporibus arbi-
 tratur, vt extingui animum simul cum vita existi-
 met: at hic locus paulò altiùs explicandus est. Si
 mens omnia ex perspectis indiuiduis cernit, neque
 aliter quidquam possit intelligere, cur Aristoteles
 in Metaphysicis tantoperè celebrat ordinem natu-
 ræ in exponendis disciplinis? Cur deinde libro se-
 cundo Metaphysicorum, statuit notiora mentibus
 nostris, & illustriora genera rerum quæ vniuersè pa-
 rent quàm indiuidua. Quippe nunc arbitretur non
 posse res vniuersas animo cerni, nisi ex proposito
 indiuiduo. Ego autem magis probarem eos qui pu-
 tant res vniuersas ex earum definitione perspecta
 intelligi, quàm ex rebus indiuiduis, quæ menti-
 bus nostris proponuntur: quod cum vbique Ari-
 stoteles scriptum reliquerit, nunc sui est imme-
 mor.

2 Quas Mathematici fingunt, vt auditorum ani-
 mos informare & instruere possint.

3 Vt Geometer genera triangulorum explicaturus, proponit indiuiduum certæ magnitudinis ex quo genus cuiusque magnitudinis intelligitur.

4 Mēs inquit, non est longè dispar doctōri Geometriæ, nam vt magnitudinem in genere intelligat sibi proponit indiuiduum.

5 Magnitudinem indiuiduam etsi nolit animo intelligere, sed genus magnitudinis, tamen sibi ob oculos ponit indiuiduā magnitudinem vt genus possit perspicere, ac si vellet Aristoteles genera ex perceptione indiuiduorum cognosci potius quàm ex definitionibus.

6 Intelligit rem vniuersam de qua agitur, nō quia sit magnitudinis indiuiduæ.

7 Vt genus quantitatis ex indiuiduo prædito certa quantitate intelligit.

Ac qua sit causa, cur animo percipi non possint, nulla subiecta magnitudine, circumscriptoque tēpore, ea que in tempore sunt, non est huius disputationis exponere.

1 Aristoteles autor est libro sexto Physicorū magnitudinem, motum, & tempus ita copulari inter se, vt nunquam separari possint: nam id in quod vnum eorum incidit, cætera incurrant necesse est, proinde quæ tempore metiuntur, sine magnitudine & motu perspicere non possunt: hoc autē est Metaphysicorum exponere, cur tempus, motus, & ma

gnitudo ita colligata connexaque sint.

Quoniam autem magnitudo, & motus eo ipso quo etiam tempus, necessario cognoscantur, & visum communis sensus affectio est: illud quidem perspicuum est, primo sentiendi principio tribuendam esse horum cognitionem.

1 Breuiter confirmat motum & magnitudinem visione siue sensu communi percipi : nam tempus visione cognoscitur: at motus & magnitudo eodē sensu quo tempus intelliguntur. Animaduertat diligens lector, Aristotelem nunc paulò obicurius reperere ea quæ superiùs refutauimus: omnia quæ mente & ratione constant, priùs sensum facere, quàm intelligentia cerni possint. Siquidem motus, tempus, magnitudo priùs cadūt sub aciem sensuum exteriorum & visionis, quàm mente percipiantur: at omnia ferè rerum genera quæ mente & ratione intelliguntur, continet & metitur tempus. Quare ut tēpus, antequàm illa animo informentur, sensum exteriorem mouebunt.

2 Diximus superiùs hæc verba Aristoteli eandem vim habere, principium sentiendi, sensus communis, visio, phantasia, imaginatio : scripsit enim libro tertio de Animo, visionem communem esse beluis & hominibus: at mentem solis hominibus tribui.

Quoniam autem rerum quæ intelligentia cernuntur, me

CL. CAMPEN. COM. ADV. ME

moria constare sine visione nullo modo potest, fit ut ipsa memoria in ea parte animi quæ rationis mentiſque est, improprie & per aliud, per se autem in ea quæ primo sensu percipit, versetur.

1 Errorem cum quem superius reiecimus, Aristoteles tam nequiter persequitur, ut deinceps nulla eius refutatione sit opus: ait enim; memoriam esse propriè & per se visionis, nam quæ mente & ratione intelligimus, ob id ipsum solummodo memoria cõprehenduntur, quodd priusquam ea mens intueretur, visio perspexerit. Cuius sententiæ falsitas est Sole clarior. Primùm quia memoriam mortale inducit Aristoteles. Nã si visio & munera animi, quæ sine corporibus nullas functiones obeunt, simul cū vita intereāt, memoria quoque, quæ propriè & per se visionis est, tolletur. Sed legimus in sacris litteris, (quarum autoritas anteponenda est Aristoteli) multos qui vita relicta, non erant immemores eorum quæ cum in viuis essent, fecerunt. Deinde cum non sit nescius Aristoteles memoriam nobis Deorum munere donatam esse, ne mētis perceptiones quas longo interdum tempore cõbibimus, & informamus subinde effluerent, idcirco si mentis iudicia præstent visis, cur non potius Deus concessit memoriam menti, quàm visioni?

Itaque nonnullis etiam animantibus tributa est, non solum hominibus, atque iis quæ opinionis participes sunt aut providentiæ. Quod si earum partium, quæ sunt mentis atque rationis esset, profecto in aliis animantibus minime reperiretur, ac fortasse in nullo alio ex iis quidem quæ mortalia sunt.

1 Reddit rationē cur memoria sit partis eius animi quæ visâ intuetur, nam memoria est communis beluis & hominibus, mens verò solis hominibus propria est: at si memoria esset in mente, non caderet in bestias: sed existimandum est hominum memoriam esse coniunctā cum ratione, propterea alie nam esse à memoria bestiarum & sedem habere in mentibus nostris: beluarum verò memoria in sola visione existit: quod mirū est Arist. non perspexisse.

2 Hic paucis ostendit non omnes bestias uti memoria, neque enim omnes beluæ opinione aut providentiā præstāt. Opinio beluis donata est loco mentis eius quæ cōtemplandi studio tenetur: at providētia nō est lōgè differēs à mēte, quæ in agendo cernitur.

3 Fortasse adiecit, ppter eos qui arbitrātur beluas esse participes mentis & rationis reconditæ, quarū ratio ex eo tātummodo ab hominū ratione aliena est, si quidem homines rationem qua utuntur, possunt explicare & eloqui, at suam bestia semper conticent, propterea dicit, fortasse mentē in nullo alio mortaliū genere præterquā in hominibus reperiri.

CL. CAMPEN. COM. ADV. ME

Nam ne nūc quidem in omnibus inest, propterea quòd non omnes mortales animantes temporis sensum habent.

I Alio argumento probat non omnes bestias esse memoriæ participes, nam imperfectiores vt conchæ, formicæ, squillæ, non habent sensum temporis: memoria autem cōiuncta est cum tempore, idcirco memoria bestiarum imperfectiores priuantur. Possumus nunc temeritatis Aristotelem damnare, quòd sine ratione euidenti arbitretur quasdam beluas esse memoriæ expertes, nā si omnes beluæ sentiant, visione quoque erūt præditæ, & sensu aliquo interiori quo perspiciunt, disiunguntque diuersorum sensuum subiecta. Quum ergo ferāt iudicium eorum quæ sensus mouent, cur iudicium factum neque custodire neque conseruare poterunt? Ego propterea semper existimaui beluas vt sensuum iudicio, sic memoria alias aliis præstare, neque vllum bestiarum genus esse memoria priuatum.

Semper enim cum memoriam ad actionem remque cōferūt, simul se hoc prius vidiſſe aut audiuiſſe, aut didiciſſe (quemadmodum antè dixi) sensum habet. Prius autem & posterius in tempore cernitur.

I Declarat cur memoria sit coniuncta cum tempore, nam quando memoriam ad opus conuertimus, habemus sensum eius quod prius & posterius

est: hæc autem sunt partes temporis, memoria itaque est adiuncta tempori.

Ac illud quidem perspicuum est si queratur, cuius tandem animi partium memoria sit, eam esse eiusdem cuius sit & visio. Memoriaque percipiuntur per se ea omnia, quæ eam partem animi mouent, in qua visa imprimuntur, per aliud autem ea quæ sine visis constare non possunt.

I Hunc locum superiùs persequuti sumus, docuimus enim memoriam beluarum tribuendam esse visioni, & hominum memoriam conuenire mēti.

Querat autem fortasse quispiam, quò tandem fieri possit, ut motu animi presente, & re absente in mentem veniat id quod non adest.

I Quia superiùs ostendit memoriam esse conitinctam cum tempore, & solūmodo præterita in mentem venire, quæ quidem non adsunt, idcirco nunc exponit quo modo memoria compræhendantur ea quæ absunt, & res præteritæ.

Perspicuum est enim intelligendum esse, eam affectionē quæ p̄ sensum & in animo & in ea parte corporis in qua ipse insit gignatur, & cuius habitum memoriam esse dicimus, picturæ cuiusdam speciem gerere. Motio enim ea quæ oritur consignat quasi notam quandam sensorum, quem-

CL. CAMPEN. COM. ADV. ME
admodum ij qui aliquid obsignant, annulis faciunt.

1 Antequam propositā quæstionem explicet, ostendit quo modo sensa animi in memoria consignantur duplici similitudine. Prima à picturis & colorum vaietate elicitur : nā vt colorata quæque res vario colore potest tingi, sic memoria multiplici rerum animo perceptarum informatione illustratur. Quo in loco Aristoteli assentiri nō possum, neque enim comparatio vlla probanda est, quæ incidit in ea, quæ nulla proportionis æquabilitate constant: sed corporeum vt res colore prædita, & corporis experts, vt memoria, nulla similitudinis ratione cohererent: propterea hæc Aristotelis argumentatio est eiicienda. Deinde vna res vno duntaxat colore potest affici, sed memoria eò præstantior est & ornatior quò maiore sensorū copia oneratur: quare probabilius est memoriam obsignatas in se rerum notas conseruare vi quadam abdita, & quam nemo intelligit, nisi quis comparare velit memoriā cū manu, Nā vt manus est omniū instrumentorū instrumentum, potest enim arte & longa exercitatione vsum omniū instrumentorum discere, similiter memoria est forma omnium formarum, vt quæ omnium formarum ornamentum conseruare possit: vel vt virtutibus afficimur, earum enim quò in nobis maior est copia, eò præstamus: sic memoriam illustant & amplificant sensa animi.

Secunda similitudo à superiore nō multūm differens, est sumpta à rebus quę annulis obfignari solent, nam quemadmodum consignata cera nota & species quædam annuli in ea impressa relinquitur sic ex rebus animo perceptis, sensorum quædam veluti species in memoria consignatur. Hæc verò similitudo vt superior mihi videtur, reprehensione digna, nemo enim ambigit, corpore præditum malle conferri cum rebus iis quæ omni corpore carent. Deinde vna annulorum specie tantummodo cera cōsignari potest: proinde arbitrarer potius memoriam comparandam esse cū manu, quę arte multiplici instruitur: vel cum animo, qui multis virtutibus exornatur, etenim vt virtutes longus vsus confirmat, & manum paratiorem reddit, ars quam quotidie excolit: sic memoria longè præstantior efficitur, ex sæpius repetitis animi cogitationibus.

Quocirca ij qui in magno motu vel propter animi perturbationes, vel propter atatem versantur, non valent memoria. In his enim perinde fit, vt si in aqua profluente motus annulûsque imprimantur.

1 Commemoratam superiùs similitudinem, nunc Aristoteles fallaci argumento approbat. quorū mens inquit, magno & multiplici motu impellitur, nō valent memoria, nā quemadmodū in aqua

profluente species annuli consignata statim deletur ob facilem aquæ motum, sic motus animi tollit sensa quæ in memoria insunt. quod quàm alienum sit ab omni veritate, inter omnes constat: etenim qui in magno animi motu versantur, ex eo non valent memoria, quòdneque acriùs, neque diutiùs intueantur ea quæ mēte & intelligentia cōstant: siquidē interdum mens ingente irarum ardore impedita tam firmè contumeliarum meminit, vt inuita eas cōseruet, quamuis magnis impulsionebus agitetur. Itaque animi motiones nihil memoriæ conducunt, nisi quia obstant acerrimis & longinquis rerū meditationibus.

In aliis propter frigoris incommoda, sicuti antiqua aedificia, & propter duritiem eius partis quæ motum accipit, vestigium & quasi simulacrum non imprimitur.

1 Exponit alias causas debilitatæ memoriæ, frigus inquit & durum cerebrū sunt causæ memoriæ imbecillis: nam quemadmodum in antiquis ædificiis picturæ & rerum simulacra quibus iam pridem ornata fuerunt, paulatim delentur, quoad omninò euanescent: sic in senio, confectis hominibus refrigeratum cerebrū sensim ea animi sensa quæ in memoria insunt, deponit: propterea senes nō sunt memores. Attamen hæc Aristotelis ratio cur memoria sit obliuiosa, mihi videtur esse explodenda. Et si cō-

scripsit

scripsit Galenus libro tertio Locorū Affectorum, frigus obliuionem inferre, tamen lōgè aliter quàm Aristoteles existimauerit, frigus & obduratum cerebrum obliuionis causæ sunt: quandoquidem conuenit inter omnes philosophos animum suas functiones exequi per spiritus, quibus tanquam præcipuis suis organis utitur. Cùm ergo omnia frigoribus congelentur & spirituum motioni & omnibus animi officiis frigus erit impedimēto: proinde mēs in frigido cerebro conclusa, non habet tantam vim ad intelligendum, ob impeditam spirituum motionem, atque si contineretur cerebro temperato. propterea neque acrius, neque longa satis meditatione excogitat & perspicit ea quæ ratione & intelligentia cernere licet: quare nec diutiùs ea potest memoria conseruare: ut quæ nec planè perspecta sint, nec multum sæpèque recolendo firmata.

2 Durum cerebrum spiritus cogendo crassos gignit, quemadmodum frigus, idcirco liberè animo perlustrare non potest ea quæ sub intelligentiam cadunt, neque tenere memoria; nam quæ crassiora sunt vix vlllo motu impelluntur.

Itaque ij qui admodum pueri & senes sunt, obliuiosi sunt, & immemores. Motu enim agitantur, illi propter incrementum hi propter decessionem.

1 Incrementum & decessionem nō esse causas o-

bluionis nemo negat, et si Aristotelis alia sit opinio ac si vellet Aristoteles mentem & partem eam animi in qua memoria inest, esse in incremento corporis, & eius immixtione ita occupatam, ut nihil præterea intueri possit: quod quàm sit ridiculum omnibus constat. Cur autem pueri sint obliuiosi, non est causa incrementum, sed quia memoriã habent nullo cultu elaboratam, nec contenta animi acie res animo cernunt, neque longa rerum meditatione memoriam confirmant. Hoc ego possum asserere pueros esse præstantissima memoria: etenim cum essem natus annos ferè octo aut decem, longè minori opera commendare poteram memorię perfectam Ciceronis orationē, quàm nunc anno ætatis meæ trigésimo vnā lineam. Itaque mirum est Aristotelem statuissē, pueros obliuiosos & immemores, etenim sunt tātummodò obliuiosi quoniã leuiter omnia animo cernunt, & intuentur: quòd si paulò diligentiori meditatione introspicerent rem quam intelligunt, tam firmam rei memoriam comprehendant, ut deinceps toto vitæ suæ tēpore nunquam sint obliuioni daturi.

2 Senes non sunt obliuiosi ob decessionē, ut Aristoteli videtur, sed potius quia sunt & virib⁹ & mente imbecilla ob eorum calorem naturalem penitus ferè extinctū: neq; dant operam accuratā rerū perceptioni: neq; possunt res animo p̄spectas diù multūq; repetere, quare fiunt obliuiosi, & immemores.

Itēque ij qui nimis acuto & qui tardo ingenio sunt, non valent memoria, propterea quòd humidiores sunt quàm de ceat, hi duriores. In nonnularum igitur animis non manet res species, in aliorum non infidet, nec imprimitur.

1 Falsò arbitratur Aristoteles acuto ingenio præditos homines non valere memoria, quoniam humidiores cum sint, in iis rei animo informatæ species non manet. Etenim constat inter omnes philosophos humidum, torporem sensibus inferre, deinde efficere homines somnolētos, atque stupidos. Itaque cur humidiores sunt, qui ingenio pollent? Siquidē humefacto cerebro mens sopita obdormire & vacare ab omni officio cogitur. Quapropter hæc Aristotelis opinio expilodatur necesse est: nam pituitosi homines cæteris ingenio præstarent, & qui maiore dormiendi studio rapiuntur, quamvis omnibus sit in confesso, siccos homines, ut melancholicos, ut biliosos cæteris omnium gentium hominibus ingenij acrimonia anteferri. Similiter qui vix vllum somnum capere possunt, valent ingenio, in iis enim spiritus tenuiores & magis puri existūt, & qui ob siccitatem non debilitantur celeriter. Verum ut eò quòd digressa est, nostra reuertatur oratio, scito homines acuto ingenio præditos, quia leuiter rerū percepta animo informatione satiantur, neque longò cultu recolendo rem animo perceptā repetunt, non valere memoria.

2 Tardi homines non pollent memoria (et si aliter sentiat Aristoteles) quia contenta mētis acie neque cernere, neque animo intueri possunt. Etenim quo modo id quod non intelligunt, memoriæ poterūt commēdare? Proinde ut rerum ignorance, sic obliuione laborant.

Sed hoc loco quari potest, si in memoria hac omnia cernantur, utrū hanc ipsam affectionem memoria teneamus, anne illud à quo nata sit. Si enim hanc, nihil eorum quæ absunt memoria mandabimus. Sin illud quē tandem hanc sentiendo, in mentem nobis veniat, illud quod abest quòdque sensu non percipimus.

1 Priusquam declaret ea quæ non adsunt, tantummodo in mentem venire, vocat indubitationem ea quæ memoria licet comprehendere: nam si res animo perspectæ relinquant in nobis quandam affectionem, utrū eam affectionem quæ adest in animis nostris, memoriæ commendemus, an subiectum à quo hæc affectio profecta in animos nostros immigrauit?

2 Illud subiectum, quod neque in nobis est, neque sensus nostros afficit, quemadmodum ea affectio quæ à subiecto nata est.

Ac si est quasi forma & pictura in nobis, cur quæso, huius ipsius sensus erit alterius memoria, non huius ipsius

Qui enim in opere versatur hanc affectionem memoria repetit & contemplatur, & hanc ipsam sentit.

I Probat memoriam non cōprehendere res quę præteritę sunt, nam qui aliquid in memoriam reuocant, sentiunt affectionem eam, quam picturę superius assimilauit. Nos verò arti qua manus instruitur similem esse diximus. Cur ergo memoria nō est potius huius affectionis, quàm obiecti à quo hæc affectio nata est? Etenim quibus memoria in actione occupatur, & hanc affectionem sentiunt, & cōtemplantur, non autem obiectum à quo hæc affectio profecta est.

Quoniam igitur pacto rem absentem memoriam complectitur? Hoc enim pacto & cernere licebit id quod nō adest, & audire.

I Aliter ostendit res præteritas nō teneri memoria, nam quemadmodum sensus exteriores nō mouet, neque afficit id quod abest, similiter memoria nihil quod abest repetit.

An fieri potest ut hoc etiam accidat? Ut enim depictus in tabula animal, & animal est & simulacrum, & vnum est utrumque, sed non est eadem utriusque ratio & natura, licetque illud ipsum & ut animal & ut simulacrum considerare, sic & speciem illam qua in nobis est exi

stimare debemus, & per se aliquam esse notitiam, & alterius rei speciem. Quatenus igitur per se consideratur, notio est vel visio, quatenus autem alterius est, illius simulacrum & monumentum. Itaque cum eius motio in actione occupatur, si quatenus per se est, eatenus animus sentiat, quasi notionem quandam, aut visum videtur tractare: si quatenus ad aliud refertur, tanquam in pictura, simulacrum intuetur, ut quasi Coriscum quem non viderit, animo intueatur, tū verò alia est huius cognitionis ratio, alia cum ut animal depictum considerat, in animoque hoc quasi notio tantummodo, illud autem ut illic simulacrum, memoria dicitur.

I Nunc Aristoteles tam clarè loquitur, ut iam illustrandus non sit, affectio ea quæ à rebus subiectis in animos nostros immigravit, duobus modis spectari potest, vel suapte vi, & vocatur idea, siue notio vel facta comparatione cum subiecto à quo nata est, & similis est depicto animali, nam quemadmodum animal depictum si per se æstimemus, est dumtaxat color & pictura: similiter ea affectio est solum notio, si de se & sua vi tantummodo spectetur. Præterea animal depictum si comparemus cum rebus, quarum similitudinem gerit, animal esse iudicamus & quasi simulacrum animalis, pari ratione ea mentis affectio quæ ab obiectis hausta est, si conferatur cum rebus, à quibus profecta est, præ se fert res easdem, quoniam omni ex parte eis assimilatur veluti

qui animo intuetur affectionem eam quæ à Corisco in animos nostros immigrauerit, videtur Coriscū cernere, quia planè similis est Corisco affectio. Proinde memoria dicitur cum affectionem quæ in est in animis nostris consideramus non per se, sed comparatam cum rebus subiectis, à quibus nata est.

2 Ex hoc loco non licet efficere mentem rerum perceptione informari, quemadmodum res prædicta colore variis coloribus tingitur, hoc enim superius explosimus: sed rerum notiones in animis nostris, picturis assimilantur, non quòd insint in animis nostris tanquam picturæ, hoc enim falsum est, sed quia quemadmodum depictum animal est simile animali viuo, sic rei notio est omnino par & similis rei subiectæ à qua profecta est.

Ob eamque causam interdum nescimus, cum in animo existunt huiusmodi motiones, à sensibus primùm haustæ, sintne ortæ à sensibus, interdumque vtrum memoria sit necne, dubitamus.

1 Exponit rationē cur quæ aliquando audiuiamus, si iterum audiamus, nos reddant ancipites, vtrum à sensibus prius hausta sint, an ea memoria repetamus, quoniam tanta similitudine accedunt rebus subiectis à quibus nata sunt, vt hæreamus vtrum sensuum iudicium sit tam acre & certum,

vt ei nihil desit ad perceptionem rerum, an accurata mentis acie tãtam rei subiectæ similitudinem animo informauerimus.

2 Quoniã dubitamus vtrũ à sensibus prius orta sint, similiter vocamus in quæstionem, vtrũ ea memoria teneamus nam superius confirmauit memoriæ tantummodo commendari ea, quæ à sensibus hausta sunt.

Fit etiam interdum vt ita cogitemus, aut nobis veniat in mentem, quòd id antea audièrimus, aut viderimus, idque tum demum vsuuenit cùm quis rem per se ac solam spectans, ad aliam transfert & accommodat.

1 Nonnunquã id quod intuemur oculis, vidimus & nos prius id vidisse memoria teneamus, vt cùm affectionẽ quæ nunc in animos nostros immigrat, imprimiturque, comparamus cum motione ea quæ iam pridem inest in mentibus nostris.

*Contrãque fit nonnũquam quemadmodum Antiphe-
ronti Oritæ contigit, aliis que quorum mens è sua sede dimo-
ta est. Quæ enim eorum animis per visum obiecta sunt, ita
commemorant, quasi gesta sint & illis in mentem veniãt:
quod tum contingit, cùm quis id quod non est rei simula-
crum, vt speciem rei & simulacrum intuetur.*

1 Ostendit quomodo amentes plerunque com-

miniscantur id, quod procul ab omniveritate abest quando inquit, sibi ponunt ob oculos non verum rei simulacrum, quod quidē animo cernunt, & intuentur tanquam veram rei speciem & simulacrū.

Cogitatio autem & meditatio memoriam conseruant recolendo, quod aliud est nihil, nisi crebrò intueri rem aliquam non per se, sed quatenus alterius simulacrum.

I Nunc scitē admodum declarat quomodo memoria imbecillis confirmāda sit ex longo cultu & crebra rerum meditatione. Propterea mirū est non nullos sibi adhibere medicamenta ad firmandā cōseruandāque memoriā. Quosdam noui ego, qui ex eorum vlu, planē fatui exstiterunt. Existimo autem tria potissimum fidelem & singulārē gignere memoriam: acris rerum meditatio cogitatioque, earum deinde plena cognitio, postremò sēpe recolare & repetere ea quæ animo percepta sunt.

Ac memoria quidem quid sit, quid meminisse, dictum est, id est, visionis quatenus simulacrum est eius rei cui⁹ est viso, habitum.

I Breui cōplectitur cumulata omnibus suis partibus memoriæ definitionem, est, inquit, habitus, siue proprietas quemadmodum aptum esse ad ridendum in homines conuenit: siquidem proprietates

numeratur in cathedra qualitatibus, cuius primum genus est habitus, qui quidem proprietates continet. Cum autem natura nihil quod non undique perfectum sit molitur, tribuit visioni & menti proprietatem conservandi id quod perceperunt, quam memoriam vocamus.

2 Memoria beluarum est visionis habitus, at hominum memoria est habitus mentis siue intelligentie nam Aristoteles falso non seiungit memoriam hominum à beluis.

Diximus etiam qua in parte animi sita sit, id est in ea qua prima sensus est sedes, quaque temporis sensum habemus.

1 Eo errore Aristoteles impellitur, quem superius refutauimus, memoriam hominum non distinguere à beluis, quod ab omni veritate alienum esse nemo ambigit.

Caput secundum.

Reliquum est, ut de recordatione dicamus.

1 Cum superius magno & inexplicabili impeditus errore non distingueret memoriam hominum à beluis, nunc comminiscitur vim quandam recordandi, quam in solos homines cadere existimat, aliter enim homines eosdem ferè posuisset cum beluis, illis subscribens, qui putant bestias uti ratione abdita, &

quam nulla oratione possunt eloqui. Proinde paucis audiamus quid sit recordatio.

Principio ea omnia quæ in Epicherematis, id est rationibus quibus utranque in partem disputatur, vera sunt, ponenda sunt ut vera.

1 Epicheremata puto eos esse libros, qui problemata physica continent, nam ibi agitur utrinque de rebus physicis.

Neque enim recordatio memoria repetitio, aut susceptio est. Nam cum primum aut discit quis, aut animo affectionem suscipit, nec memoriam ullam repetit (nulla enim anteceffit) nec ab initio percipit.

1 Nunc separat recordationē à memoria & à prima rerum perceptione, quam vocat susceptionem.

2 Primum sciungit susceptionem siue primam rerum cognitionem quam combibimus, à recordatione, nam qui prima rerum cognitione instruitur aut discendo præceptorum opera, aut suo duntaxat labore animo affectionem suscipiens, quam res subiectæ in animis nostris imprimunt, nec memoriam rei repetit, nec ab initio percipit in se affectionem eam extitisse, ut qui recordatur. Etenim qui recordatur & percipit se aliquando percipisse rem eam, cuius recordatur, neque omni ex parte

eam dedit obliuioni, proinde memoriã repetit, & ab initio percipit in se existisse, non autem qui primò rerum cognitionem suscipit.

3 Quando mens prima rerum cognitione informatur, aut suscipit, nulla antecessit earum in animis nostris affectio.

Cum verò habitus iam susceptus est, aut motus animi, tum denique memoria est. Ex quo efficitur, eam cum motu animi qui oritur minimè oriri atque gigni.

1 Hoc loco videtur distinguere cùm memoriam tum recordationem à prima rerum perceptione, nã memoria & recordatio nascuntur quando iam pridem res animo percepta est, & versantur in rebus præteritis: at prima rerum susceptio in iis quæ adfunt, consistit.

Præterea cùm primum facta est motio in ultimo illo in diuiduòque temporis puncto, iam inest in patiente affectio & scientia (si modo habitus aut motus animi scientiæ nomine appellandus est).

1 Iam declarat quando aliquis rerum cognitione potest dici prædit⁹: quod vt intelligatur, necesse est scire ea quæ libro sexto Physicorum multis rationibus efficit, motum fieri quidẽ in tempore, sed factum esse in instanti. Cùm ergo mens quodã velu-

ti motu agitetur, vt res intelligat, ea morio in instanti desinet. Proinde in eodem instanti scientia rei animo percepta instructus dicitur, non autem in tēpore quo informat discitque res sibi propositas.

Nihil autem prohibet, nos nonnullorum etiam, aliena quidem vi memoriam habere, quæ sciamus, cum interim memoria per se se non inest, antequam longinquitate temporis confirmata sit.

1 Docet quomodo ea quæ adsunt memoriæ mādemus, vi enim aliena & per accidens rei præsentis memoriam compræhendimus, quoniā ea aliquando intelleximus, quæ nunc intelligimus, tamen memoria per se & sua vi est rerum præteritarum.

2 Nonnullorum quæ præsentia sunt, memoriam habemus aliena vi, quòd ea aliquādo perspexerim⁹.

Meminit enim unusquisque hoc tempore, quod antea intellexit, & mente percepit: non quod modò animo percepit, nunc meminit.

1 Docet memoriā versari in rebus præteritis, nā non meminit quis quod nunc percipit, sed quod iā intellexit & percepit.

Hoc etiam perspicuū est, fieri posse vt is meminere, qui non hoc tempore recordetur: si ab initio sensu motūue animi fuerit affectus.

I Separat recordationē à memoria nā memoria tenemus ea quæ pſpexim⁹ aliquādo, neq; ſunt vllō modo ex noſtris mētibus deleta, at recordatio eorū eſt ſolūm quæ cū intelleximus, tamen quodā modo ex mentibus noſtris effluxerunt.

At cū animo quis repetit eam, qua prius præditus fuerit, ſcientiam vel ſenſum, aut id cuius habitum memoriam diximus, tum denique hoc ipſum eſt aliquid eorum qua dicta ſunt, recordari.

I Quid ſit recordatio definitione explicat, eſt autem repetita memoria rei, quæ ſit quodam modo ex mentibus noſtris deleta, at memoria eorum eſt quæ nullo modo ex noſtris animis effluxerūt. Hæc Ariſtotelis opinio tã pcul ab omni veritate abeſt, vt omni ex parte mihi videatur refutatione digna: etenim recordatio, reminiſcentia, memoria eandē animi vim & facultatem prorsus declarant. Puto ergo Ariſtotelem ob id ipſum ſeiunxiſſe recordationē à memoria, quòd cū perſpiceret eſſe valde impii homines memoria à beluis non diſtingui, hanc recordandi vim ſolis accommodauit hominibus. Eſt autē recordatio, ſi Ariſtoteli fidem habeamus, memoria coniuncta cum obliuione, ſiquidem ſcribit, recordationem eſſe repetitā memoriā rei quodam modo oblitæ: atqui nemo eſt qui perſpiciat, quo pacto copulari poſſint memoria & obliuio, vt

tertiam animi facultatem fingant. Si quis autē obiciat, recordationem esse repetitionē memoriæ rei, quæ aliquatenus ex animis nostris effluxerit, verum cum ratiocinatione adhibita, etenim ratiocinando vis recordandi ex eo quod nondum deletū est, assequitur, repetitque id quod iam effluxerat: at memoria nulla ratiocinatione utitur, idcirco permultū interest inter memoriā & recordationem Quod si hac ratione Aristotelem excusemus, aliud nihil erit recordatio, præterquam quædam animi facultas cum mulata ex multis aliis animi viribus: nam recordatio erit conflata ex memoria eius, quod nondum abest, neque oblitum est, deinde ex ratiocinatione, quæ percontabitur omni argumentatione adhibita id, quod iā effluxit: sed hoc nihil aliud est quàm vires animi confundere. Etenim vis ea animi quæ ratiocinatur, constat inuentione & iudicio, quæ longo admodum interuallo à memoria discrepant. Cur ergo Aristoteles coniunxerit memoriā cum ratiocinatione ut nasceretur recordatio, hac tenens non potui intelligere.

2 Sensum animi audiendum est, quod quidem superius vocauit scientiam.

Accedit tamen ut recordatio memoriā, & recordari id quod est meminisse consequatur.

1 Facultas recordandi quæ constat memoria eius quod nondum obliti sumus, & ratiocinatione quæ adhibetur ad intelligendum id quod iã effluxit, sequitur, inquit, memoriam rei quam priùs plenâ habuimus.

Neque verò illa omninò ac planè, si prius in animo fuerint rursus oriuntur: interdumque ita est, interdum non est.

1 Distinguit inuentionem & primam rerum cognitionem à recordatione, nã recordamur ea quæ priùs in animis nostris exstiterunt, neque præterea omninò deleta sunt, at quæ primùm cognoscimus, nullo modo existunt in nobis.

2 Quæ recordamur, ait, non oriuntur omninò quia in animo priùs fuerunt quàm recordemur, nō autem quæ primò discimus aut cognoscimus.

3 Videlicet quando nunquam in animo fuerunt omninò nascuntur, neque tum demùm fit recordatio, sed scientia & cognitio rei.

4 Interdum inquit, non oriuntur omninò ac planè siquidem ea aliquando percepimus, neque dedimus obliuioni nisi quadam ex parte, & dicimur recordari.

Fieri enim potest, ut idem eandem rem bis discat & inueniat.

I Recordari & discere ob idipsum conueniunt, quoniam bis discere & recordari eadem possumus sed discimus quando sunt omnino deleta ex nostris animis: recordamur verò cum effluerunt solum aliqua ex parte.

Differat igitur ab iis recordari necesse est: ut maiora in sint rei principia in reminiscendo quàm in discendo oportet.

I Aliter distinguit recordari & discere nam quæcunque discimus omnino noua in nostros animos immigrant, at quæ recordamur quodā modo iam insunt in animo.

Recordatio autem tum denique accidit & efficitur, cū motus animi eam vim habet, ut alterum cōsequatur: si necessario hoc perspicuum est, cum ille pulsus est, fore ut hīc etiam sit: si non necessario, sed consuetudine fore ut plerumque moueatur.

I Nūc exponit quo pacto fiat recordatio, vbi Aristoteles videtur scienter admodum illustrare facultatem ratiocinandi, quam in Dialecticis est persequutus. Fit autem, ait, ratiocinatio, quā partem suę recordationis statuit, quū ex adhibita re vna, ut argumento, aliud efficitur, idque duobus modis, vel necessario, ut argumētationib⁹ quæ necessario cōcludunt, vel ut plurimū, ut argumētationibus quæ



nihil necessario inferunt.

Fit autem interdum ut nonnulli semel commoti facilius, quam alij saepe, assuescant.

1 Hic Aristoteles non de memoria, sed de ea animi parte quæ ratiocinatur disputat: homines ingenij celeritate præditi, facilius & minore opera ratiocinando repetunt id quod in eorum animis aliquando impressum fuit: quàm tardi:

Itaque cum nonnullas res semel aspeximus, firmior & constantior earum in nobis memoria manet, quàm aliarum, quas crebro aspectu consideravimus.

1 Diximus superiore capite ea venire in mentem facilius quæ acriter & sedulo animo cernuntur, quæ leuiter, tantum consideramus, idem nunc scriptum relinquit.

2 Neque acriter intuemur.

Ergo cum recordamur, caremus à prioribus quibusdam motibus permouemur, quoad ab aliquo animi motu pellamur, quem ille sequi solet.

1 Hæc neque ad memoriā neque ad recordationem spectant, sed ad ratiocinandi vim, quæ inuenit & vndique exquirat argumenta, ex quibus id

efficiat, quod vult, mens enim secum reputans quo pacto plenam rerum perceptionem imbuat & informet, cumulat argumenta quæ id concludant, de quo agitur, propterea quæ Aristoteles his litteris recordationi accommodat, nos in facultatem ratiocinandi conuenire censemus.

Itaque id quod deinceps sequitur, ex re qua præstò est, aut ex aliqua alia, aut ex simili, aut contraria, aut etiam finitima inuestigamus & persequimur, ex eoque recordatio existit.

1 Quæ nunc exponit Aristoteles pertinent ad facultatem ratiocinandi, quæ quidem multiplici argumentorum genere vtitur, vt iis quæ eruantur à similitudinib⁹, à cōtrariis, & vt audies in dial-cticis,

Quarundem enim rerum ex his, motus iidem sunt, aliarum eodem tempore oriuntur, nonnullarum alter alterius partem habent, ita vt quod restat, per exiguum sit, cuius pulsus post illum sequitur. Atque hoc quidem modo homines quarendo recordari solent.

1 Scienter admodum declarat qua similitudinis ratione argumenta conclusionibus accedant, nam interdum eadem fere sunt cum eo, quod efficimus, vt ea quæ à coniugatis & à definitionibus eliciuntur
2 Interdum argumenta & conclusiones eodem tempore intelliguntur, veluti perspecta definitione

statim innotescit id quod definitione explicatur.

3 Alia argumenta sunt quodam modo eadem cū conclusionē, & quodam modo ab ea discrepant.

4 Non solent homines sic recordari, neque meminisse, sed potius ita ex ratiocinationibus hauriūt eliciūtque perfectam rei cognitionem, qua volūt instrui.

Alio autem modo etiam solent, absque illa investigatione reminisci, cum alterum statim motum sequitur recordatio. Sed ferè antegressis multis motibus quos diximus, existere solet recordatio.

1 Omnia quę recordationi convenire scribit Aristoteles, in facultatem ratiocinandi cadere nemo ambigit, siquidem impulsionē illā mentis mutā, quibus incitatur ad investigandum id quod ex nostris animis deletum est, quid aliud esse possunt præterquā facultas ea mentis quę valet ad ratiocinandum? Hęc autem aut multis agitur motionibus, ut cū ratiocinamur ex numeratione partium, vel mēs quando cumulat multas argumentationes ex quib⁹ efficiat & illustret id de quo disseritur, nōnūquam vna duntaxat impulsione satiata subinde incidit in id quod quæritur. Siquidem huiusmodi animi motiones quas recordationi Aristoteles attribuit, aliud nihil sunt præterquam vis quædam mentis quæ versatur in exquirendis argumentis, quæ con-

cludant id quod vult.

2 Inuētio non est recordationis, neque memorię, sed facultas ratiocinandi pars.

Nihil autem attinet considerare quonam modo rerum remotarum memoriam comprehendamus, sed satis est finitimarum.

1 Nunc prætermiſſa ratiocinatione de memoria agit, licet, ait, eodem modo memoria tenere cū finitima ſiue quę parum diſcrepant, tum remota & ea inter quę multò plus intereſt, nam certo quęque ordine digeſta facilè memorię mandamus.

Perſpicuum eſt enim, eandem rationem eſſe, qua omnes ea commemorāt qua ordine quodam conſequuntur, cum nec inueſtigatio vlla, nec recordatio in eis antegreſſa ſit.

1 Memoria, inquit, quę nec inuentione nec recordatione vtitur & quam ſuperiore capite perlustra-uit, omnia rerum genera facilè conſeruat quę certo ordine conſtant, ſiue inter ea multum interſit, ſiue ſint ferè eadē: ac ſi vellet Ariſtoteles declarare præſcriptum certumque rerum ordinem plurimū poſſe in recordando.

Conſuetudine enim motus animi alij alios, ut hīc illum ſequuntur.

1 Reddit rationem, cur ordo plurimum possit in firmanda memoria, nam ea quæ certo ordine consistant, sunt viciniora rebus naturalibus, quàm ea quæ nullo aut incerto ordine collocantur, at plurimum valet ad recordandum, naturam sequi, aut consuetudinem, est enim cōsuetudo altera ferè natura, verùm mentibus nostris naturale est, & in consuetudine positum sequi certum rerum ordinem. Idcirco magnam vim habet destinatus certusque rerum ordo, vt earum firmam singularemque memoriam comprehendamus.

Cum ergo recordari vult unusquisque, hoc faciet, quærètque quemadmodum principium motus animi reperire possit, quem ille consequatur.

1 Satis supérque adhuc illustrauimus, Aristotelis recordationē non distingui à ratiocinatione. Proinde nunc exponit certum rerum ordinē magnam habere vim ad ratiocinandum, qui scite admodum ratiocinari vult, aut quidquam memoriæ commendare, primo, inquit, necesse est collocet omnia in suo quæque ordine, vt principium prius incurrat, cui medium sublit, deinde finis.

Itaque celerrimè, atque præclarissimè ducuntur à principio recordationes. Quam enim res inter se habent ordinis rationem, eandem etiam motus animi habent.

- 1 Approbat multum in ratiocinando & recordando certum rerum ordinem sequi, nam & evidentiùs, & celerius ratiocinando efficitur id quod volumus, si à principio incipiamus, similiter memoria facilius & citius custodit ea, quae certo ordine digeruntur.
- 2 Exponit ordinem quo sensa animi in mentibus nostris insunt, nam quemadmodum res à quibus sensa animi hauriuntur sunt dispositae & dispensatae, pari ordine collocantur in mentibus nostris sensa animi, quae à rebus nascuntur.

Quaedamque facile memoria comprehendendi possunt, ea quae ordine quodam constant, cuiusmodi sunt disciplinae atque artes: alia perdifficiliter.

- 1 Probat certum rerum ordinem plurimum posse in recordando, nam artes & disciplinae quae certo ordine tractantur, facilius in mentem veniunt, at quae nullo ordine disponuntur, vix memoria comprehendimus.

Hoc etiam recordari ab iterum discendo differt, quod cum recordatur homo, quodammodo potest per se moveri ad ea quae principium sequuntur, cum non potest per se, sed aliena vi & ope eget, non iam meminit.

- 1 Memoriam disiungit ab iterata cognitione quam praeceptoris opera assequimur, nam memoria rerum omnium custos, non eget praeceptoris ope, ut iterata rerum perceptio.

CL. CAMPEN. COM. ADV. ME

2 Loco recordationis intellige semper his literis
ratiocinandi vim, quæ quidem adhibitis primis ra-
tionibus quidquid est deinceps, concludit.

3 Si eger ope præceptoris, non dicitur meminisse,
sed discere.

*Plerumque iam non potest ille quidem recordari, sed ta-
men querere potest, & inuenit, quod is vsuuenit potissi-
mum, qui multa mouent & agunt, dum ad eum motum
perueniant, quem res ipsa consequatur. Meminisse enim est
inesse vim qua moueat, idque ita, ut à seipso isque impul-
sionibus, quas in se habet, moueatur.*

1 Hæc omnia scitè & conuenienter in rationan-
di vim incidunt, quæ ex inuento argumento efficit
id quod vult, propterea declarat eos qui & ratio-
nandi vi, & inuentione præstant. Quorum enim
mēs multis impulsionebus agitur, & qui in somnē
vitam ferè degunt, illi pollent ingenio atque inuen-
tione. Quare mirum est superiore capite Aristote-
lem posuisse celeritatem ingenij in cerebro humi-
do & somnolento, nam humidum & somni causa
est, & motiones impedit.

2 Distinguit memoriam à scientia quam præcep-
toris ope comparamus, nam memoriā id quod in
se est conseruat, at scientia, qua nos præceptores in-
struunt, neque inest in animis nostris, & alterius o-
pera conciliatur.

Sed exordium capiendum est.

I Ut celeriter res omnes memoriæ cōmendemus, oportet sumere principium ab eo, quod primam sedem tenet, nam superius docuimus certum rerum ordinem plurimū valere ad recordandum.

Itaque ex locorum notis recordari interdū videtur: cuius causa est, quod citò ex alio aliud ei incidit, ut ex lacte in candorem progreditur, ex candore in aëra, & ab hoc in humorem, ex quo ei autumnus in mentem venit, cum hoc tempus exquireret.

I Declarat quo pacto ratiocinatio constet argumentis, quæ ab adiunctis, & à simili eruuntur, neque enim existimandum est quæstionem aliter explicari posse, præterquam ratiocinando: veluti si quæratur autumnus, hæc quæstio explicabitur argumento ab adiunctis, & à simili: primū enim ex candore lactis aëra in memoriam reuocabimus, nam lumen aëris, candorem lactis imitatur: quare eo ipso similia sunt aër & lac. Deinde aëre perspecto & cognito: subinde in autumnum descendemus, quia aër & autumnus humore assimilantur, incidebat vero in quæstionē utrū autūnus sit humidus, quod argumento à similibus explicatum est: neque arbitrandum est huiusmodi ratiocinationes esse opus memoriæ. Nam in ratiocinando hac ratione inuen

CL. CAMPEN. COM. ADV. ME

tio & iudicium præcipuam vim habent, quæ non memoriæ sed facultati ratiocinandi concedimus.

2 Exquirere pertinet ad facultatē ratiocinādi, non autem ad memoriā, neque ad recordationem.

Videtur autem ut id quod generale est semel comprehendam, id quod in medio loco est, principium esse omnium.

1 Repetit ea quæ in dialecticis est persequutus, vim ratiocinandi ex verbo medio concludere id quod vult, nam quia mediam quandam naturam obtinet inter sensa animi quæ nōdum ex mentibus nostris effluerunt, & ea quæ iam obliuioni dedimus, statim ratiocinatione adhibita repetit efficietque id quod vult. Ergo verbum medium est principium in omni ratiocinatione.

Si enim antea non meminerat, ei, cū ad illud peruenit, memoria rei se offeret, aut certè nunquam, & nulla alia iā re admonebitur, ut si quis ea animo percurrat, quæ ordine quodam his literis A B C D E F G H significantur: nec cum ad E peruenerit, & in mentem veniat, certè ei veniet in mentem cum ad H peruenerit. Hinc enim ad utrumque, & ad D & ad E moueri atque impelli potest.

1 Argumēto adhibito, cuius præcipua vis in verbo medio posita est, nisi reuocet in memoriā quod

iam effluxit, & dedit obliuioni, certè nunquam poterit repetere id, quod vult.

2. Exemplo facili id quod diximus illustrat, velut si quis dederit obliuioni conclusionem hanc, omne D est E, iam inuestigandum erit verbum medium, vt H, quo adhibito efficiet omne D esse E, at E nō potest fungi officio verbi mediij.

3. Ex perspecto verbo medio impellitur, cū ad D, tum ad E, nam vtriusque naturæ accedit.

Quòd si neutrum horū quærebat, cum ad C peruenierit, ei in mentem veniet, si modo G vel F quærebat, sin minus cum ad A peruenierit, eodēque modo semper.

1. Si occurrat alia quæstio in memoriam reuocanda, quàm prius animo percepit, sicuti omne G est F subinde adhibendum exquirendūque erit verbū medium, vt C, vel A, ex quo concludere liceat omne G esse F.

2. Semper omnis ratiocinatio tūm muta & delitescens, quam nunc intelligit, tum ea quam oratio explicat & aperta, constat argumentis quæ efficiant id de quo disputatur.

Cur autem ex eodē animi motu interdum id quod queritur, veniat in mentem, interdum non veniat, causa est, quòd fieri potest, vt ab eodem principio ad plura, v. luti à C ad F aut D moueamur.

1 Ex eodem argumento multas conclusiones confirmare possumus, diuersis tamen rationibus.

Proinde si à veteribus quibusdam simulacris non moueatur, ad id quod consuetudine factum est, illi familiariùs transfertur: est enim quasi natura iam consuetudo.

1 Nonnulla nobis in mentem veniunt faciliùs ceteris rebus omnibus, vt quæ longus vsus in nobis confirmauit, nā argumenta quibus mens solet non nullas conclusiones probare, etsi alias conclusiones efficere possent, tamen ea accommodat conclusionibus, quas ex eis consuevit probare.

2 Nam quemadmodum naturale vix euellitur, similiter quæ longo rerum vsu & cōsuetudine inuenerant, difficiliter admodum possunt tolli.

Itaque facilè eorum recordamur, quæ sepe cogitamus. Vt enim natura hæc res illam consequitur, sic rerum actiones atque frequens vsus naturam facit.

1 Nā ea quæ sæpe cogitamus, vsus in nobis firmavit longaque eorū consuetudo: proinde vix ex nostris mentibus distrahuntur, & facilè in mentē veniunt.

2 Eadem ratione & res, & earum actiones memoria compræhendimus, eodem enim ordine dispensantur & disponūtur cū res tū actiones quæ à re-

bus natæ sunt: deinde qua similitudine res inter se coherant, eodem modo coniunguntur atque coeunt rerum actiones.

Quoniam autem quod in iis contingit qua natura constant, & quod est contra naturam, & quod fortè fortuna id multò etiam magis in iis reperitur, in quibus valet consuetudo, quibus natura quidem non eodem modo conuenit fit ut interdum & illuc, & al. ò delabamur, quod tñ usu uenit maxime, cum à certo quodam initio alio quouis animo rapimur. ob eamque causam, cum nomen ex memoria depromendum est, simile quidem depromimus sed tamen non in illud incidentes, solacismum committimus ac recordatio quidem ita fieri solet.

1 Ostendit quomodo vis ea quæ ad ratiocinandum valet, suo fine fallitur, velut quando adhibet rationes communes diuersis conclusionibus, nam facile mentem huc & illuc distrahunt. Quemadmodum inquit, natura cum fingit & molitur portenta monstrosa decipitur, sic vis ea animi quæ ratiocinatur, quandoque non efficit id quod vult.

2 Mirum est Aristotelem libro secundo de Natura aut de Rerum Principiis, tantis difficultatibus fuisse impeditum ut coactus sit inducere casum & fortunam portentorum causas: quippe cum multis rationibus eosurgeat in libris de Cælo, qui negant cælorum vim omnibus inferioribus præesse: at in cæ-

lo nihil est varium nihilque mutabile, sed omnia firma & immutabili æternitate constant. Deinde nonne Deus optimus maximus autor est omnium rerum? In Deo autem nihil est incertum, nihilque multiplex: quo pacto igitur casum & fortunam in causis rerum inferiorum numeremus, non possum perspicere. Itaque mihi videtur eorum opinio præstantior esse, qui putant Deum omnia moliri & fingere tum monstratum quæ monstrosa non sunt, quorum causam cum aliam non habeamus, quæ Deo anteponenda sit, nihil opus est comminisci ea, quæ sunt fortuita, neque enim potuit quis adhuc abditas rerum causas intelligere. Tollantur ergo cultus omnes, quos antiqui fortunæ adhibebant, prosternentur sacra ædificia quæ fortunæ tanquam Deæ constructa sunt: quandoquidem nihil est in rebus fortuitum nihilque temerarium, sed omnia deorum muneribus constant.

3 Neque memoria neque recordatio falluntur, sed sola mens, ut cum putat memoria inesse id, quod non inest.

Quod autem hoc loco plurimum potest, tempus, cognoscendum est, vel mensura certa adhibita, vel incerta. Sic igitur aliquid quo diuturnum à breviori intirnoscamus, atque id consentaneum est, quemadmodum aliquid est quo magnitudines distinguimus.

I Quoniam nonnulla breuitate & longitudine di-

stant partes vt temporis & magnitudinis, iam declarat quo modo eadem mente cernatur & breuia & ea quæ longitudine præstant.

2 Mensura certa temporis vt certus dierum, horarum, & annorum numerus.

3 Mēs vna percipit & breue & diuturnū tempus, atque vtrumque distinguit.

4 Videlicet mens vna, quæ cernit, & disīūgit cū breues magnitudines, tum longas.

Intelligit autē illud res magnas, & quæ procul absunt, non aciem animi foras intendendo, vt oculorum aciem nō nulli confirmant, (etenim si res nulla sint, eodem modo intelligit) sed certæ cuiusdam rationis impulsu, quandoquidem in eo sunt similes rebus ipsis figura atque motiones.

1 Plato autor est in Timæo, cui subscribit Galenus libro septimo, de Decretis Platonis & Hippocratis, colores oculis intueri extramittēdo vim quādam aspectus, radiorum solis non longè dissimilem hoc autem Aristoteles refutat libro de Sēsis, scribit enim oculos colorum speciem & quasi simulacrum recipere instar speculi, neque extramittere quidquam vt colorum varietatem cernere possint. Vtraque tamen opinio tam ancipiti dubitatione impeditur, vt quæ earum sit probabilior, per quam difficile sit perspicere: nisi forte Aristoteli assentiamur vix enim fieri potest, vt

CL. CAMPEN. COM. ADV. ME

ex oculis tam repente vis aspiciendi effluat feraturque in res quæ tam procul absunt. Itaque quemadmodum oculus colores intuetur capiendo: pari ratione mens certa quadã vi abdita & deorum munere concessa hominibus, omnia contemplatur, & intelligit non extra mittendo quicquam in ea quæ animo cernuntur, sed secum reputans, adhibensque suæ rationis vsum.

2 Mens nedaum intelligit ea quæ sunt, sed etiam ea quæ nulla sunt, quippe mente & cogitatione depingamus Centauros & monstrosa multa quæ nunquã exstiterunt. Ergo ut perceptionem aliquam rerum teneat, mens nihil mittit foras in res quas considerat: neque enim potest mittere in ea, quæ nihil sunt. Quum nunc Aristoteles arbitretur mente & ratione cerni posse ea quæ nunquã fuerunt, neque sunt, conuincitur quoque existimare nō omnia quæ mente & ratione intelliguntur, mouere sensus.

3 Mens omnia intuetur & considerat ex figuris quas tenet & comprehendit similes rebus ipsis quæ intelliguntur.

Quid igitur interest, cum res maiores intelligit? An quod illas quæ minores sunt intelligat? Sunt enim minora omnia quæ intus sunt & proportionem quadam respondent iis quæ extra sunt.

1 Explicat quæstionem, quo pacto mens possit intelligere

telligere res præstatoris magnitudinis, quippe cum earum forma quæ in animis nostris inest, sit multò breuior rebus tantæ magnitudinis. Respondet formas, quæ à rebus natæ in animis nostris imprimuntur, proportionem quadam assimilari rebus, quæ intelligentia & ratione constant.

2 Quæ intus sunt formæ rerum & in animis nostris impressæ, sunt multò minores rebus ipsis, quæ tanta magnitudine præstant, quibus tamen proportionem quadam assilantur & respondent.

Licet autem fortasse quemadmodum in formis rerum, proportionem, sed ipso tempore adhibito, notare: sic & in interuallis, veluti si exempli causa lineam AB & BE confecit, lineas etiam AC , CD confecisse videtur: eandem enim rationem AC & CD habent, quam illæ inter se. Quamobrè ergo AC , CD lineas potius quam AF , FG peregerit? An etiam quam rationem AC ad AB habet eandem KH habet ad KM ? Hæc igitur simul perficiet. Quod si lineas AF , FG nōsse valet, AB , BE eodem modo intelliget, cum interea pro KM , KL intelligat. Haec enim lineæ eandem habent inter se rationem, quam F , A , ad B , A habet.

E



Præclara similitudine & facili docet quo modo
formæ rerum quæ in animis nostris insunt, etsi mi-
niores sint rebus à quibus nascuntur, respondeant
certa quadam ratione rebus ipsis. Quemadmodum
inquit, intervallum minus proportionē quadā res-
pondet maiori intervallo, sic rei forma quæ in ani-
mo est, assimilatur quodā modo rebus à quibus hau-
sta est, & profecta.

Cum ergo simul & rei, & temporis motus existit, tum
animus memoriam ad opus convertit. Si verò non faciat,
& se facere putet, tum si meminisse existimat. Nihil enim
prohibet, aliquē falli, ei que videri, cum nō ei in mētē venit.

1 Docet quo modo memoria sit coniuncta cum tempore, quando, inquit, animo percipimus & tēpus præteritum quo primū rei cognitione fuimus informati, & rem ipsam ex nostris mentibus nōdum effluxisse, tum demum meminimus. Quare memoria est adiuncta tempori.

2 Interdum, inquit, in recordando fallimur, ut cum existimamus iam pridē nos fuisse præditos cognitione rei, quam nunquam tenuimus. Neque licet arbitrari memoriam decipi, nam sola mens decipi & falli potest, siquidem verū & falsum sunt mentis quatenus fert iudicium.

3 Putat sibi in mentem venire quum tamen nondum fuerit rei perceptione imbutus.

At verò ut is qui memoria agit, non putet, sed se meminisse ignoret, hoc fieri nullo modo potest. Hoc enim meminisse esse diximus. Cum verò rei motio sine vlla temporis, aut contra hæc sine illa existit, tum nemo meminisse dicitur.

1 Quī non putat se ignorare, sed recordatur se aliquando rei perceptionem tenuisse, is non meminisse non potest.

2 Nam memoria non est sine tempore.

Temporis autem duplex est notitia, alias enim mensura adhibita, non meminimus, ut hoc tertio die factum esse, sed aliquando: alias etiam mensura adhibita, meminimus. Verumtamen habetur memoria etiam si mensuram non adhibeamus, hinc soliti sumus dicere,

CL. CAMPEN. COM. ADV. ME

nos quidem meminisse, sed quando id factum fuerit, nescire, atque id tum denique dicimus, cum hoc non habemus cognitum, quando & quampridem id factum sit.

¶ Quia superius confirmavit memoriam coniunctam esse cum tempore, nunc declarat an tempus cui memoria adhæret, sit certum, ut dies unus, duo, tres aut plures, an sit incertum, ut cum certum dierum numerum non tenemus. Respondet Aristoteles nihil interesse in recordando: satis enim est, dum modo sensum temporis habeamus, siue certum sit, siue incertum & anceps tempus.

Ac illud quidem docuimus, non eosdem memoria vale re & recordatione.

¶ Hunc locum persequuti sumus superiori capite.

Differt autem meminisse à recordando non solum tempore, sed hoc etiam, quod memoria multa animalia attingit, recordatio verò in alio nullo eorum quidem quæ nota sunt, nisi in homine reperitur.

¶ Superius docuimus, memoriam non separari à recordatione, recordationem autem Aristotelis esse facultatem mentis quæ ratiocinatur. Vtrūque tamen nunc disiungit: nam memoria & recordatio tempore differunt, quod memoria sit antiquior re-

cordatione. Præterea memoria est communis be-
luis & hominibus, at recordatio cadit solummodo
in homines: profectò ut mens, sic mentis memoria
à bel uis discrepat.

2 Hoc adiecit propter eos, qui ponunt quosdam
aëreos homines, nam huiusmodi non habemus per-
spectos neque cognitos.

*In causis est, quòd recordatio quasi quædam ratiocina-
tio est. Se enim antea audivisse, aut vidisse, aut aliquid tale
percepisse, is qui recordatur, secum ipse reputat, est quoque hoc
quasi quædam questio: quod quidem in solis à natura tri-
butum est, quibus etiam ea vis animi data est, qua consili-
um capimus etenim deliberare, & consilium capere, qua-
dam est ratiocinatio.*

1 Duplici argumento confirmat recordationem
solis hominibus convenire, primum quia recorda-
tio est quasi ratiocinatio quædã, at ratiocinatio est
hominibus propria, idcirco recordatio quoque tã-
rummodo hominibus accommodatur.

2 Non erat adiiciendum quasi, nã, profectò recorda-
tio, quam superius persequutus est, tacita & muta,
siue nondum oratione explicata ratiocinatio est.

3 Is qui recordatur, inquit, subiectã habet questio-
nem delirescentem, & quam oratio adhuc non ex-
pressit. Ex quo scire licet, recordationem Aristote-
licam esse ratiocinandi vim, quam oratio non expli-

cauit, etenim quæstio ratiocinando illustratur, non autem recordando. Secundum argumentū ex quo efficit recordationem solis hominibus tribuendam esse: nam recordatio in eos solummodo incurrit, qui valent ad capiendum consilium, quod quidem solis hominibus datum est. Hæc argumentatio, vt superior facile declarat literam Aristotelis ratiocinandi vim persequi, nam deliberatio est ratiocinatio quædam recondita, & quam non explicauit oratio, neque vlla similitudinis ratione coherent iungique possunt memoria, & vis ea animi quæ deliberat.

Motum autem esse quendam qui ad corpus pertineat, recordationem, & quæstionem in tali viso, hinc sciri potest, quod nonnulli offenduntur, cum recordari non possunt, & cum quantum valent mentem sustinent, nec iam diligentiam studiumque in eo ponunt, nihilominus recordantur: cuius generis sunt maxime melancholici. Hos enim visa mouent agitantque maxime.

I Recordationē quodam modo pertinere ad corpus, ex eo probat, quoniam recordatio diligens hominem offendit, si non possit rei memoriam repetere, quam vult sibi venire in mentem. His literis licet mirari Aristotelem tam leui ratione conuinci, cuius commentitia recordatio certè aliud est nihil præterquam muta quædam ratiocinandi vis, quæ

reuocat ea quæ obliuioni dedimus adhibito argu-
mento, quod eliciatur ab iis quæ adhuc in animis
nostris inlunt, neque effluerunt: eam autem ad
corpus pertinere arbitratur Aristoteles, quoniam
huiusmodi recordatio aliquando nos offendit; ve-
rumtamen non lædit nos per se, sed quia acris &
diligens rerum consideratio ad extremum spiritus
& naturalem calorem debilitat, vnde corpus quo-
dam modo violatur. Neq; propterea existimandū
est ratiocinandi vim esse corporis.

2. Declarat eos valere ad ratiocinādum, quos res
perspectæ multū agitant, & qui mentis impulsio-
nes coercere, neque reprimere, possunt, quatenus
plenā rei oblitæ memoriā repetierint.

*Causa autem cur in eis non est situm, ut recordentur,
est, quod quemadmodum ij qui iaculantur, iam non pos-
sunt iactum telum reprimere, sic is qui recordari vult, &
aliquid inuestigat, aliquid corporeum impellit, in quo sita
est hac animi permotio.*

1. Hæc ad ratiocinandi vim mutam nec vlla
oratione expressam referenda sunt, non autem
ad commentitiā Aristotelis recordationem.

Itaque similitudine à telis desumpta probat in-
terdum vim ratiocinandi tantopere vigere vt leui
pulsu incitata vix retineri possit: quemadmodum

rela quæ leuiter impulsâ magno impetu feruntur; nam arbitratur Aristoteles hanc vim ratiocinâdi in ea corporis parte sitam esse, quam coercere & perdifficiliter temperare possumus: quæ quidem Aristotelis ratio omni ex parte mihi videtur refellenda neque enim ratiocinatio neque memoria aut recordatio in corporis parte sedem habent, sed in mentibus nostris insunt. Cur verò non tam citò contineatur incitata mentis permotio, causâ est acris & altior rerum intuitus. Propterea melancholici homines pollent facultate ratiocinandi, nam acriter & sedulò introspiciunt rem subiectam.

Omniū autem maximè perturbantur ij, quibus in eâ partem animi, quæ sensum continet, humorem casus infunderit. Neque enim commoueri desistit, quoad id quod queritur, se offerat, motusque animi certa via procedens ad mentem perueniat.

1 Aliam reddit causam cur mens interdum agitata, nunquam desinat, quoad se offerat id quod queritur. Humor, inquit, implens, aut qui alluit partem eam corporis in qua mens sita est, est autor huiusmodi perpetuæ motionis.

2 Videte Aristotelem impiè & nequiter omnes animi facultates adiungere rebus corporeis: humor profectò nō est huius permotionis animi causa, sed acris & diligens intuitus rerum, quæ ratione & in-

telligentia cernuntur.

3 Cerebrum continet partem animi quæ sentit, quod cum humores alluunt, aut implent, nihil mente nec ratione depingere possumus, neque animo quidquam cernere : quod videre licet in apoplecticiis, maniacis, & in omni morborum genere, quo cerebrum confertum humoribus esse intelligimus : proinde id sempertribuendum esse existimaui sedulitati, quam adiungimus ad res intelligendum.

4 Neque recordatio neque memoria versatur in quaestionibus explicandis, sed solum ea animi vis quæ ratiocinatur, recordatio Aristotelis ratiocinatio est.

Itaque & horrores, & irarum ardores postquam semel excitata sunt, illis etiam contrariantibus non sedantur, sed eodem contra impulsu eorum rapiuntur: eaque animi perturbatio accedere videtur ad nomina, cantus & orationes, cum ex eorum ore aliquid cum impetu excidit. Cum enim destiterint, etiam inuiti rursus canere, & verba facere incipiunt.

1 Docet exemplo, cur huiusmodi animi motiones ob infusos humores in cerebrum vix coerceri & reprimi possint, nam si tum demum canere, loqui, aut disputare incipiant, etiam inuiti loquuntur & differunt, quod impulsus humoris mentem agi-

ter. Sed hæc Aristotelis ratio omni reprehensione digna mihi videtur, neque enim huiusmodi perpetuæ motionis animi causa est humor quo cerebrum oneratur & perfunditur, siquidem humores in cerebro mentem ex suo statu potius dimouet, quam eius vim amplificare possint, quare id referre licet ad eam mentis acrimoniam quæ sedulò res omnes percontatur & inuestigat. Quando enim aut perhorrescimus aut irarum furore ardemus, mentis acie acerrimè contenta sumus præditi. Itaque faciliùs permouemur, & mentis impulsionem vix temperare possumus, cum tamen nullus humor aut cerebrum perfundat, aut illud confecire sentiat.

2 Nomina quæ ab omni coniunctione vacant.

3 Orationes sunt ex nominibus compositæ, quæ si verum aut falsum enuncient, dicuntur effata, sin minus, sunt duntaxat orationes.

Sed ii qui superiores capitis partes maiores habent, atque pomiliones, obliuioſiores ſunt iis, qui contrario modo affecti ſunt: propterea quòd magno pondere depreſſa ſit illa eorum pars in qua ſenſus ſedes eſt, nec poſſint ab initio motus animi in eis conſiſtere, ſed diſſipentur, nec facile in recordando recto ordine progredi.

I Docet exemplo constructionem corporis memoriae & recordationi obesse, nam maior, inquit, capitis amplitudo obliuionem parit, quod in ea latius vagetur mens, neque possit recta rerum veritatem perscrutari, sed in exquirendo animi vis disturbetur, atque planè desinat. Hunc verò locum Aristotelis arbitror alienum esse ab omni veritate. Primum quia caput breue potius fatuum hominem declaret, quàm aut singularem memoriam, aut mentis acrimoniam præstantiorem. Deinde magna cerebri copia maiore vbertate animi potitur, quàm in pauca quantitate cerebrũ, sed vberior animus mentem auget atque amplificat, siquidem docuimus superius mentem esse partem eam animi, quæ in cerebro sita est. Quapropter multa mens in multo erit cerebro, amplitudo ergo capitis neque memoriae, neque sensuum iudiciò obest. Verùm vt rem omnem in pauca cõferam. Puto ego caput formatum fictumque vt decet, siue breue sit, siue amplum, magnam habere vim ad celeritatem ingenij, sed caput ita constructum, vt ei pars anterior aut posterior, aut vtraque, desit, uon valet ingenio, & multò minus memoria, nam id ex eo euenit, quia foetus in utero aliqua laborauit ægritudine, quæ deinceps impedit præstantiores animi vires. Quamobrem forma naturalis capitis præstantissimam mentis aciem reddit.

CL. CAMPEN. COM. ADV. ME

2 Falsum est, cerebrum mentem onere suo deprimere, est enim menti tanquam carcer & custos, tributum cerebrum, in quo mens perlustrat omnia quæ ratione & intelligentia constant.

*Qui autem admodum pueri sunt & senes, eos obliuio-
sus motus efficit, quod hi in magna decessione sint, illi in ac-
cessione. Adde quod pueri ad multam usque ætatem sunt
pomilionibus natura per similes. Ac memoria qua natura
fit, quaque animi parte animalia meminerunt, & recor-
datio quid sit, quoque modo existat, & quam ob causam,
diximus.*

1 Hunc locum superiùs persequuti sumus.

FINIS.



